

A Monthly Christian Magazine

AN ORGAN OF THE ZOU PRESBYTERIAN CHURCH SYNOD


Khristian Tangkou

ဃမ္မကမ္မာဝါဒပဌ

တိဝေဒနာပဌ

Vol. 59 || No. 5 & 6

May & June, 2023



Editor: Rev. Hangpi Manlun

Synod Kumpuon:

[Siemchilbu 12:2]

NANG GUOLZAWLNA HI IN



PASIAN BELTAH AHI

Changtel (Ps. 33:16-19; 34:7)

By:- Upa Chinthong
Tongdam

Kipah thugenna:

Tutung I gam buoina pat Bible tungtawn a Pasion belta ahidan leh Mangpan akepte bitdan leh muonhuoi dan Tangkou tungtawna gen thei dinga ka um ziehin Pasion leh Hattuumte tungah lungdam thu ka puong hi. Rome 8: 28: Pasion in ama itte aman a deibang bawl ding a ahatte a dingin ahoina ding un sil zousie a siemkhawm chiet hi chi ithei uhi. Singtang mite kigom thei nonlou Biren in ang gawm ziehin kipahthu gen va ui. Meitei te toh ki dou ding a Singtang mite genkhamlou tom noukhat hinanlei mitam leh tawm a buoilou Pasion ineizieh un kipahthu gen vai. Sodom khopi ah midih 10 um leh kahal sih ding Abraham kungah achia, midih 10 auplou ziehin hal dingin order aketa. Ahal tahtah ding pheta Lotte innkuon manghillou a puidohpa Pasion in eite zong hung manghillou ahi. Israel te leh Midade akidou lai un Pasion in Gidion kungah namipite tam taluo ameidoi teng nuasol in achia, ameidoi teng mi 20000 anuakia zaw in tun zong tam nalai luidung a pei inla akhut a tuidawn teng le hakam a chipthaw teng khenkhie in achia, akhut a tuidawn mi 300apha a tuateng toh gal asat uleh Thau ginglou in guolzawna atang uh, bangmaloute zanga sil thupitah abawl: Pasion Vanzahte bangma lou Mangpan azah chia Atombom sanga hatzaw ahi.

1. Tuipisan kan na dia leido ngailou Mosi Chieng pum zang a Israel mipi 600000 Tuipisan akansah Exo. 14:13-39.
2. Asuriate Camp ludia Sepoy ngailou miphah 4te kenggin azah (II King 7:)
3. Jerilou Kulpi suhchim na dia Belam Ki Pengkul a kisiam gina chim (Josh. 6)
4. Israelte melma Goliath thatdia naupang David- (I Sam 17:-)
5. Mipi 5000 Vahtu naupang khat (1) John 6: Mahazon ngailou

Mangpan amite avendan: Ama zaumite Vansoltahten akimvel a giahphuol sat in aimkuol hi. Ps. 34:7.

Elisha a galten athasawm a suopa toh Dothan khopi a tailut Pasian in Vansaltahte a vensah ama man dite mit atotsah (II King 6:13-) Mangpa muongte Zion tang suhling guollou tobang ahi (Ps. 125:1-)

Kanan gam a kieltun ziehin Abrahamte nupa Igupta a pem a aji pi Ka sanggamnu ahi chia, azau man a zuou agenleh Pharo in aji alahsah. Abraham zuougen zieh a Pasian in Pharo agawt Gen. 12:10-20 Eite hilei natuohkhah kang koina mun a umlou a tai koikoi kei hing muonglou nahileh nasuoh suoh in kichiding hinanleh Pasian mi ahizieh in Mangpan ataisan sie, nuten itate hoisih nanleh igup vevo bang a Pasian in atate ang gup vevo ahi. Nuten ata noine lite ann pieh ding amanghil ngai ama asung a pieng ata lainat lou ding koi e um nuten atate ann pia ding manghil nanleh kenvang kamite kamanghil sih ding (sai 49:15).

Israel kumpipa Ahap gitlou ziehin Israel gam a guotui kang in kiel atung a Pasian in Eliza Chereth lui a aphuol a zingkal nitah ie Vaah ten Tanghou leh sa aposah a Cherath lui tuitoh ame Eliza in tunglam a pat panpina amuziehin Israel gam buoi nanleh ama buoilou Chereth luitui akan phet in teriphata Meithainu inn a tung din asol (IKing 17:) Pasian mikep siemdan azintunna ding nasan aholsah.

Iguptate hoilou zieh a Israelte Kanan gam khuoizu leh Bawngnoi luonna gam atun bang a Meiteite gitlou zieha singtang miten hamphatna imu diu ahi. Israelten Igupta potsan ding Pharo in phalsih nanleh Pasian in order asuo leh pharo in khamzou lou gam imu ding Central in phalsih nanleh Pasian in order angsoo ding ahi thumna hapan va ui.

Israelte simhoi ding a Pasian in Balulon te azah bang a Manipur Singtangmi Kanilei bolte, Khamthei zuohte, Zu leh Sa kimolte siamhoi dia Pasian in Biren azah ahi. Jacob zong Pasian in a guoljawl utziehin akeng aheh tongsah hi. Suhgenthei a ka um man kana vah mang a tun na thu ka zui tahi (Ps. 119:67).

Khuo amial leh Ahsi akilah deudeu bang in Pasian taten gentheina athuoh tam leh Jesu melhoina kilang deudeu Naupang piengsuol hatla ten zong apa hatna suong a alawmte chou ngam.

Simtute zousie Mangpan guoljawl taken.

~~~~~



1. Kum kim (Half Yearly) Audit et in sumlepai ah kikeniem mama a, tu i bahleh tahsapna lienpi kituoh thei ding bang a kilat zieh in Hattuum chin in Synod a sumlepai sunlut ding lawmte Synod peidan dihtah a zui a sunglut chiet ding in a nna i sep Mangpa Pasian min in i kingen uhi.
2. Pasian lungsietna leh mapuina toh i gamsung buoinate kawmkal ah June ha tawp i tung touta ua, tam tan hing Puitu Pasian kung ah lungdam thu i gen uhi.
3. I gam sung mama a, tha chimit ding hing sawm melmate apat i biech Mangpa Pasian in i manthai mai ding hing phallou in ahun tah in a hing hundam a, melmate khut apat tuni tan a bitna a hing pieh ziehin lungdam thu tut va ui. Tualeh, tam tan chieng hing puipan i maban ding thei ahiman in ei a ding a hoi lampi a hing pui a, melmate khut apat suotatna a hing pieh ding kinem tah in thum chiet va ui.

4. Tam i buoina utoh kisai a hing lamkai, Lamkaite a ding in tunglam apat Pasian pilna ngetpieh va ui.
5. Tribal zousie kipumkhat a, tup kibang a, a tawp tanpha tuibang i luonkhawm theina ding un thum va ui.
6. I gamsung buoina zieh ua, Frontline a sumlezan a Duty Volunteerte a ding in thum va ui.
7. I kingatna pen uh Pasian i bie h ding bang tah ua i bie h ua, a nna i sep theina ding un i gam Central Government Vaihawmte a ding in thum va ui.
8. I gamsung buoina zieh a thalemat tuoh a hinna taante tengteng i suun mama ua, a Innkuonte un hamuonna a nei theina ding uleh liemlebai tuoh a Damdawi Inn a kienkolte zousie a hing damsien g theina ding un i thumna uah thumpi va ui.
9. I gam buoi zieh ua innlelou i taan uh Imphal Hattuum, Sugnu leh Mangjingte a ding in thu m va ui.
10. Tribalten i lungtup uh “Saperate Administration” i mu theina ding un bangkim bawlthei Pasian kung ah thum va ui.



## PASIAN TATE TUNG A VANGSIETNA/THUOHNA IN GA MANPHA NEISAH HI (Sam 27:13; Rom 8:28-29).

### Thumapui

Shina leh gentheina khu Adam leh Evite khelna zieh a, hamsie mihingte tung a hingtung ahi. Leitung a mihing khat ihileh Mangpa Jesu hing peisih leh shina leh gentheinate khu i maban uh ahi. Leitung khu i khuolzinna gam uh ahia, i shi zou chiengun i kumtawn gam ding kipan giep ding hi. Ahin tambang a shina leh hamsatnate i innsung ua, ang tun tahchieng in puoh siem ahamsa mama mai hi. Tualeh mi piengtha leh mi piengthaloute vangsietna leh shina atuoh dan un zong akibang sih hi. Vangsietna khu koi tung ah atunlouna aum sih hi. A tun nailou leh zong dachiengin atung thouthou ding hi. Pasian mi thupiten vangsietna tungtang agente uh khenkhat igen ding uhi.

A.W. Tozer in, “I Pasion in nasatah a asuhliem masahlou in nasatah in aguolzawl ngaisih hi,” achi hi. Anon in “Pasion in i lungtang pumpi aphut a, hinanleh lungtang kehgawp a sang hi” achi hi. Poet “Huisi hatna ah sing zungte a thuhlut semsem hi” achi hi. Martin Luther in “Aw Pasion hing guohlzawl in ahisih leh hing samsie in ahin hing taisan sin” achi hi.

## **I). Tualeh vangsiet ituoh chieng ua, ei gingtute um dingdante i sut ding uhi.**

### **I.1). Vangsietna in Pasion hing belsah/ngaisah hi:**

Pu David in Pasion mai a khelna Uria zi toh angkawm in, Uria atha tah chieng in khowel a Pasion deilou gelgel abawl hi. Pasion atung a alungthah tah chiengin David khu khu taisie lou in Pasion ma abel tinten hi. Akhelna leh Pasion gawtna atan dingteng pen mundang ah taipi/taisahlou in Pasion bel tinten a, Pasion in mawhpaitheilou hi.

Thupilte 18:10 ah, “Mangpa min khu kibutna innsung ahia, midihte atailut ua abit uh” chi imu uhi. Tulai in eiten vangsietna, hamsatnate ituoh khah chiengun i Siempa Pasion bellou in, dawithu siemte maibi/maibate pou,

khutlam ente leh sildangdangte ibel ua, ada huoi mama hi. Gary Craff in, “Na neiteng abei a Jesu maimai khu na neisun ahichi na thei masang in Jesu maimai khu na poimaw ahi chi na theisih ding hi” achi hi.

### **I.2). Bangkim Ama plan leh thupi ahi:**

I bel leh zui Mangpa Jesu khu liem kawm a mi sudam pa (wounder healer) ahibangin, Ama nuazui leh suohte zong liemna neilou in mite sudamtu hitheilou hi. I vangsietna leh liemnate athuh semsem a ahileh mite natna kimuthuh in kitheisiem semsem hi. I tung ua hamsatna leh gentheina hingtung zousie Mangpa theipilou in khat zong a tungsih hi. Job hinkhuo a siltung zousie Pasion loupina ding a tung ana hizaw hi. Joseph asanggamten apuonte sutsah ua, azuoh khu dachienga amaute hinna dinga Pasion lemguot ana hilaizang hi.

### **I.3). Vangsietna in eima hagau lam ah ang kivalsah hi.**

Daniel leh alawm thumte khu achil in vangsie in Babylon gam ah, suoh-le-sal in pui in umsih le uh Daniel laibu leh atanchin uh tuni chiengin adiehin khanglaite hantawhna in kizang lou ding hi. Buoina leh hamsatna

Israelten na tuoh sih uleh Esther leh Nehemia laibute kigellou ding hi. Job in vangsietna leh thuohna na tuohlou hita leh tunin eiten koi i entawnta ding uoi le?

Tangthu khat a um a, Doctor khat in ata damlou khu ama mai in aat angaita hi. A aat chienga, atapa in nasa ngeiding ahi chi athei a, Ama hileh atapa hileh hamsa asa tuohtuoh gel ua, ahin a damna ding a aat ding Ama chilou aumsih hi. Tuachin, atapa kung ah tambang in agen a, “Bawi ka hing suna ding a, ahin ka hing susie sih ding” achi hi (I may hurt you, but I would never harm you). Tuabanah, thuohna leh hamsatnate in Pasian mai ah angkai kun leng hi.

#### **I.4 ). Hagau miten thuohna leh vangsitna athuohte uh, hagau lam ah gathupi a neisah hi.**

Sawltah Paul Rome suongkul ah tangsiah leh, Philippite, Kolossate, Ephesate laihahte kigel lou mai thei hi.

Hepi/It Johan Patmos tuikuol a delmang a, a um nua in Pasian va kilah in Kihilna laibu hun peisa, hun tung lel leh hun hing tung dingte Laibu kigellou maithei ahi. Pu John Milton khu khuo muthei lou a, a mit ang

tawt tah in khovel a laibuhoi leh minthang “Paradise Lost” chi laibu ang gelkhie hi. A.W. Tozet in Milton laibu ngaisang sengseng in “Tami Laibu khu khu vangam ah zong kisimva” achi hi. John Bunyan khu mi zawng leh genthei ahi. Kum sawm-le-li (14) vingveng Bedford suongkul ah ataan sung in “Christian Khuolzin” chi agel hi. Khovel a laibu Bible ban a mite deipen leh Bible kithawtna mun zousie ah akithawt zelzel hi. Mizo ham in 20- val vei asunta ua, tami laibu khu Khristiante maimai hilou in English Literature a ding in kum 400- sung vingveng atul theilou Laibu hoi ahizing hi.

Tualeh, Fanny Crossly kum guh aphah lai in doctor pan damdawi apieh khiel ziehin amite gel taw in adamsung in khuo a muthei tasih hi. Nikhat anu kung ah “Nu kei bang ding a kamit taw e?” chin hasiet um tahin a dongta hi. Anun, “Pasian loupina ding ahi” chin a dawngta hi. Tuachin lungkelou leh kingaisie lou in Pasian abel tintenj a, kum 10 ang hitahin-Genesis, Exodus, Leviticus, Numbers, Mathiu, Mark, Luk leh Johan tanpha abawn in mulou in agenthei hi.

Tulai dan a mi banglou



leh guolphaloute tawisang hun hileh IAS zong azou mai ding hi. Tuamai ban ah Aman la 8000 val tah zong a phuoh hi. A susietu doctorpa khu kingaidam theilouin apem law vot hi. Ahin, Aman amit tawsah doctorpa khu angaidam a, Aman mudana leh lungkimlouna atung ah aneasih hi. Ni khat mi khat in Finny nang lah khuo mutheilou chia achileh Aman la khat aphuohta a, “Mel in theivang, a khut siakilna in melthei vang” achi la a phuohlaw hi.

## II). Thukhumsin.

Tunin igentheina leh hamsatnate khu Pasian naina leh phawhna in inei sawm ding uhi. Tuahileh, igentheina leh vangsietnate khu Pasian loupina ding, mite henemna ding leh Pasian gam kehletna ding ahing hithei ding hi. Mangpan i bawn un hing guolzawlta hen!

(Note: Tamna thute khu Rev. Dr. Dongzathawng laibu Tuikha Apat Tuihum Khuolzinna leh laibu tuomtuomte apat ahi).



# SIEM TANSAH NAHITA UHI

(I Kor. 6:9-11 )

By:- Upa Thangzasuan  
Kanan Veng

Midihlat louten Pasian gam aluo sih ding uhi chi theilou nahi uoi ma? Sol in um sih un kingaina thanghuoi a buolte, milim bete, angkomte, pasal kizuote, tokohuate, gutate, huoihamte, zukham hatte, migensiet hatte leh negu ten Pasian gam aluo sih ding uhi. Nalah ua pawlkhat tuabang mi nahi uhi. Hinanleh uchin zong Mangpa Jesu Khrist min leh i Pasian uh hagau a, sopsieng nahi ta ua, suhsienghthou nahita ua, siemtansah nahita uhi. Sawltah Paul in, angchi hi. Halleluiah Amen.

Tabang tengpi khelna lah a siemtansah nahi ta uhi, hing chi pa i Hundampa Mangpa Jesu amin ngai nou pahtawi in um toutou taken. Tamnah, Sawltah Paul thugen bilvah huoi tah mai



in gingtute tha athousah a, lungsim nguite, aphonghal tha hi. Kinepna leh lam-etna tha ahing guon a, thanop ahuoi mama mai hi. A man athugente Pasian apan a azahte agen ahia, khuoizu sang in ahum zaw hi. Ama damna lai hen len akam mama in hing gentha kia le aw? ka chi vongvong mai hi. Ama shinua in athu gen sawnten ale bul siengta ua, ipu, ipate puoh zoulou hahkolte ilieng ua bat sawm in pan ala ta uhi. Neh maw ding bawlmaw ding atam sah deudeu uhi.

Hundamna pen nasep a mu ding asa ua, thalaw sah ang sawmta uhi. Tuazieh in numei naupang ginna a hat late a dingin Aichim tangkha a bang ta hi. Thasietna leh lungkietna a tun a, kinepna teng aguohsuoh a, ki-itna a dai tah hi. Tunia ka gen ut pen khu Hundamna leh ngaidamna pen ei bol theina ah akinga kha sih hi. Khrist Jesu a um tatna zal a ahepina in manbei a, siemtansah in a um uhi. Rom 3:24- pienthana zong Pasian in ang siemtha ding ahizaw bou hi Philipi 3:21, Tuazieh in ei

kisahlana ding aumkha thei sih hi. Gente thu khat ka hing gen ding hi. Corona hing um tung lai in India kumpi in China a um amite puoh doh ding vai ahom ua, hing poding kahi uhi chi in thu ape ngal uhi. Thu amu tah un pawlkhat, Bhara ang kila ma de aw? I van teng toh ang paw-ut ma de aw? chi in a buoi mama uhi, pawl khat in avangil lai lai te uh man tomnou nou in ana zuo bei mai uhi. A kipilsah akitahla teng vang abuai mama uhi. Hinanleh, Van leng ang tun tah in India mi tengteng lut ua, akichi a, Avan nei zaza utoh a lut zungzung ta uhi. Lungmuong tah a alen dieldiel lai un pawlkhat in ahichi ding lam kithei ta leh i van zuo dohtengpi pammai na e aw, achi chi mai uhi. Abuai te ma buoi toutou in atun dong un abuoiden uhi. Jesu Khrist hing pei chieng zong tuabang ding ahi, ana kichingla a, napiengtha ten zong patat alawtuom sih ding uhi. Laphuohtu khat in hichin achi ahi Labupi 156- ah, “Ka mang Jesu nang hing han ing, nang hilou leh keima shi ding hing nai hen na hundam

thawnpieh kahi bang in hing la'n ka chibang in hing lan keidia Khrist hinna suon lam in, kahi bangin hing lan bawlsietna dim chimaw kahia, tatna nang siemsah na lai hi, nadeidan a nang siem dingin kahibang in hing la'n" ana chi khu adihpen ahi.

Midihtat lou ten Pasian gam aluo sih ding uhi hing chi pa khu Pasian ahia, midihtatlou te kung a siemtansah nahita uhi chipa zong khu Pasian ma ahi. Ginlelna ding a um sih hi. Etsahna khat, kahing gen kia ding hi. Russiate President pan tuol thatte angkawmte leh gutate tengteng siemmaw atang sah a, Suongkul ah akhum chipta hi. Hunte hing peizel in, sepai lam ah tahsapna ahing neitah in bang tobang khelna nei nan u'leh siem atang sah a, aha doh thei mai ahi. Russia te President pa sangin Pasian in mikhiel te siemtangsah ut zaw thamlou di maw? Unaupa Sawltah Paul in Pasian a pan

a amu thute ahing gen leh i na a vah huoi mai hi. Hinanleh pawlkhat in Pasian apan a amu zong hiloupi ama upmaw teng Pasian thu bang a ahing Sermon chiengin ginna a hatlou numei naupangte a dingin koi halthana tun leh mah in lung lelma thasietna mai ngap louna te atan zawsop tahi. Tuaziehin Sawltah Paul in masang lai a na kung ua ka gen sate chilou ngal Khantanhui tuom hing gen a umleh Angelte hil hiel hinanleh zong hamse law in um hen achi hi (Galati 1:7-9). Tuaziehin, Pasian thugen zong pilvan hing huoi mama ding ahi. Naupang nounou in thugen ama ngaidan teng moh gen in, Pulpil sungah Chairman toh thuoh nalai a ut leh mipite dingsah aut leh tousah thumguolna nei phot vai pou chita di tabangte pichin vainana hi ngai sih hi. Awle, deiluot man a igenkhel khah aum leh kingaidam vai in, ahoizaw ding a igenkhah te Mangpan hing guoljawlta hen, Amen. Lungdam ing.

# VANSAWLTAHTE LEH DAWITE

By:- Upa Khupsuankham  
LDCC Hiangzou.

1. Vansawлтаhte leh Dawite igenkhawmna zieh uh: Amaute khu aneitu um tuohtuoh a tawlngalou a nasem zing ahina zieh uh ahi. Tuabangin kibatna nei nan u'leh akibahlouna uh zong aum hi. Vansawлтаhte khu Pasion nasemte ahi ua, dawite ahileh Setan nasemte ahi ua, ani un Pasion siem, mihingte sanga silbawlthei zaw, hatzaw leh pilzaw ahi ua, Pasion leh mihing kikal a khosa ahi uhi.

## VANSAWLTAHTE:

2. Vansawлтаhte tungtanga thei dinga kilawm tampite lah ah tam anuoi ate genkhawm va ui:

### A) Amizie uh:

- i) Apil uhi – (2 Sam 14:20).
- ii) A siengthou uhi – (Math. 25:31) leh iii) A t a m mama uhi – (Job 25:3; Heb. 12:22).

### B) Ahina uh khenkhat:

- i) Van a um ahi uh - (Gen. 28:12; ILeng 22:19; Job 2:7), hinanleh bailam tah in leitung ang phathei paipai uhi.(Gen. 32:2; Exo. 14:9; 23:20, 23; Job 1:7). ii) Pasion leh Jesu siem ahi uhi

– (Neh. 9:6; Kol. 1:16). iii) Pawl tuomtuom in akikhen uhi – (Isai 6:2; I Thes. 4:16; I Pet. 3:22). iv) Pasion leh Khrist abia uhi – (Phil. 2:9-11; Neh. 9:16; Heb. 1:6). v) Vaihawmtu hilou in nasemtute ahi uhi – (I Leng 19:5; Sam 68:17; 104:4; Luk 16:22). vi) Bieh ding ahisih uhi – (Kol. 2:18; Kil. 19:10; 20:19).

### C) Vansawлтаhte nasep:

- i) Pasion deilam nna asem uhi – (Sam 103:20; Math. 6:10).
- ii) Pasion siltupte – (Sam. 39:42; 28:2).
- iii) P a s i a n vaihawmna (Gawtna) asem uhi – (Sam 24:16; 2Leng 19:35; Sam 39:5-6).
- iv) Sil

hingtung dingte genkhete ahi uhi – (Math 28:5-7; Luk 1:31; 2:10-12; Math 1:20-21; Nas. 1:11 etc). v) Guolneite genkhawlina apie uhi – (Dan. 10:11; Eze. 40:41; Zak. 4:1-7; I Leng 13:18; 2Leng 1:3).

vi) Pasion mite leh mun vengtute ahi uh – (Exo. 32:34; 33:2; Nam. 20:16; Dan. 10:13,20-21; Gen. 31:11,13 etc).

#### DAWITE:

#### 3. Dawite tungtang theidia kilawmte:

a) Dawite ahi uleh mutheilou mihingte ahi ua, Seten a ding in akaizatamte ahi uhi. Aumdan masa uh 2Pet 2:4 leh Juda 6 ah a um hi. Tamnah a leengpa uh, Setan tanchin igen den ding uhi. Aman min tuomtuom anei a, tuate khu Belial, Belzabub, Apolion leh Setan te ahi uhi. Belial dan banga gamtalou ahina min ahia, Belzabub dawite leengpa ahina min ahi; Apolion khu bawlsetu ahina lam genna tualeh Setan pen melma ahina min ahi. Dawi pen hehtu (mihehtu) china ahi. Aminte

khiehnate ahina uh ahi pai hi. Tua aumna u'leh anasep uh (Eph. 2:2; 6:12).

b) Setan mizie - Akisathei – (I Tim. 3:6; agilou a – I John 2:13; apilkhel a - Gen. 3:1; 2Kor. 11:13); sil abawlthei a – (Eph. 2:2, 6, 12)- alepchiah a – (2 Kor. 11:14; Eph. 6:11); Akileinsah a – (John 1:6; Math 4:5-6) A giinhuoi hi (Luk 8:29; 9:39; I Pet. 5:8). Khrist toh kisai a ahinate - Khrist in a zohding agen khol hi – (Gen. 3:15); Jesu asolzou sih – (Math. 4:11); misung akipan Jesu'n adelkhieh hi – (Luk 22:3; 11:20; 13:32)- Jesun ashima in azou hi – (Kol. 15; Heb. 2:14); Jesu'n anasep asuhsietsah hi (I John 3:8).

c) Gingloute toh kisai a ahina - Gingloute atate (ama nuazuite) ahi uhi – (Math. 13:38; Nas. 13:10; John 3:10) Ging loute sung a ateng – (Luk 22:3; Nas. 5:3; Eph. 2:2) gingloute mit atawsah hi – (2 Kor. 4:4) gingloute asol – (I Leng 22:21; Kih. 20:7)- amau avaltangsah hi. (I Tim. 3:7; 2Tim. 2:26).

d) Gingtute toh kisai a ahina  
- Pasion in apha leh amau  
hing thei – (Johan 1:12;  
2:4-7)- gingtute asol – (I  
Kor. 21:1; IThes. 3:5).  
Gingtute’n a dou ding uhi  
– (Jak. 4:7; IPet. 5:9)- ama  
dou dinga gingtute akisem  
gige ding uh – (2Kor. 2:11).

Dawiten Jesu athei ua,  
(Math 8:29); Pasion zong  
agingta uhi. (John 2:19),  
hinanleh hundam ahisih  
uhi. Theina leh ginna mai  
hilou in pomkipna leh zuina  
ngai hi. Simtute zousie  
Mangpa’n guoljawlta hen,  
Amen.

.....

## HAGAU SIENGTHOU SILBAWLTHEINA

(Nas. 1:8; 2:1-4)

By:- Rev. Awnkhanhup

### Thumasa:

Jesu Khrist gingtute Hagau Siengthou silbawlttheina tang lou a, batah leh gawtah mai a ina um zel lai un tutung in Hagau Siengthou silbawlttheina thu i ngaituo khawm ding in, ka hing tel hi. Sakhuo dangten tam bang a silbawlttheina zathuom tah a nei ngailou mai uh zong hilu, thei zong thei khalou ahilai ua, ei gingtute i hamphatna mama uh ahia, i kipa mama uhi.

Aumzie leh a tundan:  
‘Pentecost’ ichi khu Greek ham a sawmngana china mai ahia, Judate Peikan Kut apat ani sawmnga chinna ni a Buphal ahilou leh Haitha latna ni a ana man zel uh ahi. Tuamabangin Thuhun tha ah zong Jesu thawkia zou ani sawmnga chinni ah Hagau Siengthou a hing tung a, tua khu Pentecost chia thei in ana um touzel ta hi.

Mangpa Jesun a nuazuite kung a, ‘Jerusalem nuasie sih un len, Pasion thuchiem ka gensa na zah uh khu ngah un’ chia thu a pie bang in, nuazui 120 ten Mark’ nu inndan tungnung ah thum kawm in Pa thuchiem ana ngah zing uhi. Ani sawmnga chinni chet in thakhat thu in, huipi hattah laang bang a ging, Van akipat a hing um a, a touna innsung ah a dimsientga hi. Tuachi’n mihing

leite ama leh kihawmzah in, meikuong bangin a tun uah khat chiet in ahing tuta hi. A unpi un Hagau Siengthou in a dimta ua Hagau in a hamsah bangbang in ham tuom in ahing hamta uhi.

Gam tuomtuom 16 apat hing peikhawm mipite lah ah Peter hing ding khie in thu ahing gen ta a, a thugen ngaikhie ten tua Hagau Siengthou a tang samta ua, a khelna te uh kimukhie in, sut bang in na asa ua, bang chia bawl ding kata uoi chi in a kikou khie uhi.

### **Hagau Siengthou silbawltheina petu:**

Pentecost ni a Hagau Siengthou huipi laang bang a thakhat thu a hing tung phut pen in, mite lungsim suling in, a ut loute uh utsah in, a ngaploute uh a ngap sah a, lungsung gil lam sulaamdangtu a hing hita hi. Etsahna dingin, i biehnate bang zong ei sawm hat thu in i tui in i lim thei sih a, Hagau Siengthou in a suh hing lou chiengin a gasuo thei ngai sih hi. Pasian phatna lasa tuten zong siemtah in laa sa nanleh uh, Hagau Siengthou thopna toh hing tah a asah khieh lou chieng un sil bawltheina neilou a suoh zel hi. I ihing hina in a nei phah bat lou, ei hinna

leh midangte hinna sukha thei Hagau Siengthou thopna i ngai un i poimaw mama uhi.

### **Ham dang a ham:**

Tam khu ham thilou (unknown tongue) a hamkhie uh china lam hilou in, amau ham chiet a a hampen uh, a ngaikhie leh a zatuten zong lamdang tah mai in amau hamchiet bang in a za thei uh china bang ahi. Bible sui miten, Babel innsang kilam hun lai a Pasian in ham kitheilou ding a aham uh ana khenzah sah pen Hagau siengthou tun hunin ahing gawmkhawm kia a, ‘Babel dawnna’ ahi chi in ana suikhie uhi. ‘Vanmang naubang a kana Kalvari ah, khentuom neilou uh’ chi ahing hita hi. Jesu Khrist zieh a khovel a gingtute zousie kipumkhat ihing hita uh china ahi.

### **Lei khu meikuong bang a kihawmzah:**

Mihing leite a tung chiet ua tuong, meibang a kihawmzah chi umzie khu, tam bang in i sut ding hi. Jacob in lei khu misol hat leh khuoizuol theilou, khovel suse thei zelzel bangin ana gen a, Pentecostni apat thutah genna ding a Hagau siengthou in hing sulamdangta ahi ichi thei ding uhi. Tuaziehin, tutung Pentecost

ni apat, i leite uh thutah genkhiehna ding leh midangte a ding a guoljawlna thu genkhetu bang a zah i sawm ding uhi.

Akhelnate uh sut bang a na: I hattuum thugin 6-na in, “Hagau Siengthou, Pa leh Tapa a hing kipan in mihingte hundamna tang dingin a siem a, atawnkhelnate leh a dinmun uh zau huoi dan a kithei chiensah” chi in ana gen hi. Hagau Siengthou in mimal hinna a na asep chiengin khieh kiphawh khiehna a hing pieng thei hi. Tuachi’n a khelna uh sut bang in na asa ua, kisia in Jesu ngaidamna huong a lut in silhoi bawl ding a hing sawm thei ta uhi. Hagau Siengthou in i khelnate a hing a hing muchiensah zel nai? Kingaiuto a hun mama hi.

### **Hagau Siengthou ngah ngap a ngai hi:**

Bangzieh a piengtha, Jesu Khrist gingtute nuatol a, kinuale paipai zel ihi uoi ichi leh, Hagau Siengthou nasepna ngahngap lou zel in, eima deitelna toh ina lam pei kha zel ua, ahi chi ahingaituo sah thei hi. Habakuk 2:3-na ah, Pasian in Hagau Siengthou nasepna ngah apoimaw dan gen in, ‘kihe deu in sawtdeu nan leh, ngah in, ahingtun ngeingei ding zieh in’ chi in ana gen hi. Thum

thum napi a lawching kisalou ten, Mangpa ngah zelzel ding ahidan i ziltha nalai ding uhi. Hattuum khu Hagau Siengthou zie toh kiton a peizel ahia, ngahla sengseng zieh in i thei khiel kha ding a, ikisuthase kha ding chi a zauhuoi mama hi.

### **Hagau Siengthou khu gingtute kithuomna hoipen ahi:**

Hagau Siengthou thopna lou in milien leh silbawlthei tahtah te zong a pua zel ta uhi. I kithuomna ding hoipen khu sildang bangma hilou in Hagau Siengthou ahizing ding ahi. Valnou David in Philistin milien leh hat Goliath a suol ding lai in, Leeng Saul galthuomte koikhie in, Pasian Hagau Siengthou in ana piehsa a Belam chinna vanzahte ma zang in guol a zou thei hi.

2 Leengte 6:16-na ah tambang thu imukhia hi. Jawlnei Elisha khu a suohpa toh Dothan khuo a aum lai un Siria sepaiten tha tum in ahing iimkim velta uhi. Asuohpa zing thou in amauh tha sawm a iim tute ava mu a, ‘Pu aw, atam dandan h’ chi in chitun kawm in apu ava hil hi. Elisha zong khatvei ava pawtkhie a, ahing lutkia tah in a suohpa kung ah, ‘zausin, ama uh lam a pang



sangin eilam a pang atamzaw hi' chi in a dawng hi. Tammun a Elisha in amu thei ahileh, amelmate a tamzaw in amau panpi ding chidan hizaw lou in, amau puitutu/vengtu Hagau siengthou mei sakollengte leh mei sakolte dim phengphung aum uh hidan in au thei hi. Tuatah in Elisha in Mangpa a ngen a, Siria sepaite mit suhtoh in aum ta a, Samari khopi ah a kailut ua, Mangpa kung ah thu a ngen kia a, tuachin amit uh ahing vah kia ta hi. Tuani hun a kipat Siria ten Elisha khu dou ding

et in zong a ennawn ta sih uhi. Hagau Siengthou a kithuom mite khu tambang in a lamzang zel uhi.

Tammun ah Elisha in a kovel mit hilou, a hagau lam mit in amau puitu thuomtu Hagau Siengthou silbawltheina a mu thei hi. Pasian nasemtute Hagau Siengthou in ahing thuom chiengin, i ngaploute kingap in, i bawltheiloute a kibawl thei zel hi. Tuaziehin Hagau Siengthou khu i galthuom hoipen leh manpha pen ahia, kithuomna in inei zel ding hi.

.....

## **KHAMTHEI GUITHEI ZIEHIN AWLSAMTAHIN HAUSA NAN LECHIN ZONG NA TU-KHANG/NA-TAKHANG IN PASIAN HAMSIETNA LEH GOTNA ATUOH DING HI!!!**

Rev. Dr. Hangpi Manlun

### **Thumapui.**

Vangsiet huoitahin I gam ah chi leh nam kal a buoina nasatah ang tung a, tuin nidanglai a zu-le-sa kizuoh leh nehna munte khu muding a um nawn sih a, tamte khu eite a ding kisiemphatna hitheileh a ut um mama hi. Tulai igam adiehin in i Lamka khopi sung a khamthei guithe i a nasatah asietgopna leitung ah itengta uhi. I tenna Lamka khopi leh akim apam ah khantouna tuomtuom a ikhantou lai un, silda umtah khat ahileh, zu, drugs leh suolna chituomtuomte in jong ikhangtou un iminhang mama uhi. Tualeh, khamthei addict bang za aum diai? Thamlouin, khamthei zuah a nehjong bang za aum mai diai? chite ingaitua ding uhi. Tualeh, Rehabilitation Centre (inn) tamtah jong biehin za phiel phatoumai in veng chinteng ah mu ding aumta hi. Khumi mun a kikhumjoute ahileh mineijou domte ahi ua,

tualoute ahileh kholai a guh ding jong a inn-le-lou taisan phiel a hing vah jong tam tah a umta hi. I kiletsahpi mama uh Lamka khopi sung ah drugs addicts, guta leh AID/HIV bangzata aum ta mai diai chite ingaitua leh idin mun uh chiengtah in akimupaillet mai hi.

Thamlouin, nichin phielin khamthei jie a shina tuoh tamtah ivui ua, atangpi in mishite i et leh kum 15-40-tante atamjo thamte ahita ua, tambang a ipeitou jeljel u'leh khang kitasam ding in i umta uhi. Nu-le-paten, ata ittah tahte un atehchieng ua, amaute vah ding, enkawl ding leh vui ding bang a lametna ineilai un puteh, pitehten ita dawng/khanglaite ahunlou asun atamzawphial ihita uhi. Tuaban ah, nu-le-pa tamtah beidong in gen ding theilou in building inn sung ah gam manglah um bang in, ihmu thei louin va gieh mo abang ua, bang paap khat pua ita diai chi jong itheijouta sih uhi.

### **1). Khamthei bawlte e dihlou ahilou leh a zuahte?**

Tulai in, siljousie khu khamthei a jahthei hileh akilawmta mai hi. Min dam na ding leh damdoi ding a abawlte uh khu itangvalte un khamthei in ana jangta mai uhi. Nidang lai in zu

khu khamthei jauhuaipen ahilai in, tulaiin zu sang a jau huaijaw atamta a, Zu-pen anaupa uh asuhta hi. Etsahna dingin- dendrite, RP, No.4, kaani/bing, kanja, WY leh adang tamtah aumta hi.

Akhenten, ahileh tamte khu mite sietna leh shitheina tuntu ahi chi thei nasasa in, Aizuoh ua, tuachin mita, minau ittahtahte ahunlouin shina han muol ah isawllut uhi. “Nangin sum-le-pai neu khat na dei jie a, mita minau shihunlou a nashi sah leh nang khamthei zuoh nu/pa khu amaute thattu na hijiehin, nikhatni chieng in Pasian masang ah vaihawmna ah na ding a, thamlouin tam leitung hinkhuo mama ah jong Pasian thangpaina nang-le-na innsung ah ahing tung ngeingei lai ding hi. Khamthei gui thei a nalam na buiding sung ah nangma tanu/ tapate ahunlouin ashi ding ua, na gou lua ding umlouin gam dai gamgaw ateng na bang ding hi.

Tualeh, itheichiet uh, i Zogam film minthang mama Ngai anglai, a anungahnu pa in innsung siemna ding leh sum-le-pai deina jie a, No.4, ana zuah (bawl) leh agintatlou lou leh lametloupin atanu na kikap in, ahuloupia a, ashi chiengin pillaw pan a kikhel

lelta hi. Tamte khu imaban ahing hiding chi thei in, tua kipatin kisiemtha ni. Mita minau ittahte shina ding a No.4 leh khamthei guithei petu khu atheilou kalin ama tanu tung ah apaah ang tung thouthou hi.

Tuabanah, khamthei ne-le-kikapte adihlou guolguol un, a zuohte khu abulpantu ahijiehun anete imaw sah ua isoisah bang un ajuohte jong nasatah etkai abeitheina ding a panlah ahunta hi. Tualeh, mi khen khatte gen dan in khamthei himhim akidou jo phot leh khamthei man tam deudeu chi pan nalapawl jong aum uhi. Tuajiehin, ane/akikapte sangin azuohte akhiel jaw ua tuabangte isuh beilou leh khamthei ne bei ngailou ding china ahi.

## **2). Zu (Khamthei) zuah khu Pasian hamsiet tanna ahi:**

Khawvel khangthu ah mitam tah zu leh khamthei zuah jieh a hamsietna a innsung a tuah tamtah na umta uhi. Ahin, tutung in ahileh US-gam a, innkuon thupitah mai pu Kennedy-te innsung a Pasian thangpaina-le-hamsietna atun dan i sut ding uhi. Atomkimin, Zu a zuah jieh un Pasian hamsietna huoisetah a innsung uah khangtamtah a tung hi. Abul ahileh, Apu uh, Joseph

Kennedy in President Roosevelt phalna in Scotland apat USA-ah, Zu lalut in azuah a, tuachin ang hausata mama hi. Ahin, a innkuon un Pasian deilou nnasem ahiman un, ama-le-atate, tung ah lawsapna chituomtuom a tungtou peh hi. Tambang in atun dan akisui hi.

Tualeh, akhang gui uh khu kum 1941-akipatin 2000s-tan akisuina ah, tambang in hamsietna ana tuoh tou peh uhi:

(1). Kum 1941– Kennedyt-e innsung a papen uh, Joe, tanu tahpen, Rosemary Kennedy khu alungsim lam hoilouna jiehin operation (atin) aum hi. Ahin, Rosemary, khu akiat jou nua kum giet nua in jong aphatuom tahtah sih hi. (2). Kum 1944 – in Pu Kennedy-te innsung ata tah/upapen uh Joseph Patrick Kennedy Jr, khu apa in politics sai ding in adeisah mama maipa khu lenna ah pohjah (accident)- in ashita hi. (3). Tualeh, Ted Kennedy, khu laisiem leh MI feltah vot ahi a, USA- President hidiing lunggul gige hinapi in, tangzoulou in a tawpsanta hi. John Kennedy zong USA President hidiing nahpitah in ana tum a, hinanleh tangtun masang in a shita hi. (4). Kum 1948-in, Kathleen Kennedy,

Johna F. Kennedy sanggam nu jong apasal ittah Cavendish Marques toh akiten jou kumli in lenna ah accident in ashita hi. (5). Kum 1961 in, Joe Kennedy Sr. in stroke natna nasatah anei hi. Tuachin atop in stroke jiahin a jeng a hamtheilou in aumta hi. (6). Kum 1963-in, Jackie leh John F. Kennedy-te tapa masapen apien tung in ashingal hi. Tuaban ah, ata nina uh Patrick Bouvier Kennedy jong kumni (2) aphahin ashi kiata hi (7). Kum 1963-in, John F. Kennedy khu USA-President 35th- na in term/hun khatsung ang pang hi. A hun/term nina ah zong mipite'n deimama uh hinapi in, November 23, 1963 in Texas khopi ah migilou, Lee Harvey Oswald kichipa khun ana kaplumta a, athupina teng akichai/ataisanta hi. (8). Kum 1968-in, Robert "Bobby" Kennedy khu USAPresident diing in Primary Election a teelching ahi-a, teelching tahtah ahimasang campaign abawllaitah in kaplup in a um kia taleuleu hi. (9). Tualeh, Edward Kennedy khu USA House a Senator khat ahi a, President dinmun lunggul tawntung khat zong ahi. Hinanlezong, ama personal secretary nu nungah toh gari accident a tuoh ua, tua nungahnu a shi jieh in minsetah

in President ahitheina diing lam-etna teng a mansuota hi. (10). Kum 1969-in, Ted Kennedy car khu tui lah a accident in numei khat in shina anatuoh law hi. (11). Kum 1969-in, Kennedy pa, Joseph Patrick Kennedy ashi hi. (12). Kum 1973-in, Ted Kennedy Jr in naupangnou khat ahi in cancer natna jiehin akeng kitansahin ana taanta hi. (13). Kum 1973- in, Bobby Kennedy's tapa, Joe Kennedy iii, khu car accident ah napang kha in numei khat azenlaw hi. (14). Kum 1984-in, Bobby Kennedy's tapa, David Kennedy, khu khamthei overdose in anashi hi. (15). Kum 1997-in, Michael Kennedy, Bobby Kennedy's tapa, khu accident in ana shita hi. Ashi masangin atata enkawltu suom (rape) a ngawh in aum a, thamlouin Rehabilitation ah khumin ana um hi. (16). Kum 1999-in, John F. Kennedy Jr. aji itah mai, Carolyn Bessettete khu lenna accident in anupa un ana shi uhi. Tuachin, agam buppi un nahpitahin in asun ua amau khang adia, 'White House' aumthei ding kinepna jong abeita hi. (17). Tuaban ah, A tapa Jr. Kennedy zong laisiem leh feltah hinanleh Miami Beach ah nungah khat pawngsuol a ngaw a um in nahpitah in a minsie hi. (18). Kum

2008-in, Ted Kennedy khu huoh cancer vei in aum hi. (19). Kum 2009 –in, Ted Kennedy in cancer natna thuoh jou louin ahinna anatanta hi. (20). Kum 2011-in, Ted Kennedy tanu neisun, Kara Kennedy-Allen, khu kum 51-ahi in, ashita hi. (21). Kum 2012-in, Mary Kennedy, Robert Kennedy Jr. jinu khu ama-le-ama suicide in akikhai lum ta hi.

Tamna a tung a igente uh tengpi khu a innsung u'leh akhanggui ua, Pasian hamsietna atanna jiehu ahileh, Bible in “A innvengte kung a dawn diing Zu pete tung a gih hi,” a chi khu amau innkuon tung ah tung hi i chithei hi. Tualeh Bible in “Na tu bang na at diing” a chi khu tangtunna zong ahi diing hi (Gal.6:7). Awle, a tung a igenbang uh ZU khu tulai khamthei ding anep mama leh naunou asuohta hi. I Bible uh sutlaiin, tua igenkhamtheite uh a umnaisih a, tua i Bible uh kigel hileh atung a ZU hoilou dan agente sangin a huoisie zaw ding hi.

Tualeh, nang-le-keipen koiman Pu Kennedyte khanggui asui bangin ahing sui sih maithei

ua, ahin Pasian in tam leitung na damsung a na gamtat bangbang in na khanggui ah nna asem thouthou ding a, thamlouin, nikhat nichiang in avaihawmna masang ah i ding chiet ding uhi.

Tualeh, ithei ding uh ahileh tami Bible kigel lai in tulai a i zuah uh khamtheite aum nai sih a, um hita leh agentel ngei ding a, agen lou vangin tua khanglaite sietpi khamtheite khu Zu sangin ajau huai jaw uhi. Tuajiehin, tami Bible tang in khamthei jousie huopin, eite tung ah jong Pasian thangpaina ahing tung thei jing ahi chi imanghillou ding uhi. Bible in kei khangni khangthum a phulapa ka hi achi a, tulai in ahileh ikhang gen tahlouin ituga khu tu-idam sung mama un i at paipai mai uhi. Mangpan, simtu jousie hing mapui chietta hen. Amen.

*(Note - Tamna thute khu internet tungton leh laibu khen khatte akipan jong lah ahi a, ahin sermon ding dan deu a kigel ahijiehin a source te khu hoitah in piehthei ahisih a da um kasa a, asimtute ngaisiemna ka hing ngen ngal hi).*

Suunna

# Shie M. Hauminthang



## **A TANCHIN TOMKIM**

Shie M. Hauminthang khu Phamsa Pu Chinzalian leh Phamsa Pi Veikhonem tate Pasal 5 leh Numei 6 lah ah a kuona (9) ahia, 28th December 1972 in Nungshai khuo ah ana pieng hi.

Kum 1998 in a ji ittah Nu Manhoikim (d/o Phamsa Pu Gouchinthong leh Phamsa Pi Zenngaichin) toh ana kiteng ua, Pasian apat goutan Ta Pasal-4 leh Numei 2 anei ua, amaute:

- |                     |                        |
|---------------------|------------------------|
| 1. Mr. Lianhaujohn  | 2. Nh. Nemthianhoi     |
| 3. Nh. Chinzoumawi  | 4. Mr. Lalminlian      |
| 5. Mr. Paukhankhual | 6. Mr. Obed Lunlemsiem |

2000 apat Grant Teacher ZCC Nungshai ah sem in 15th July 2002 in Manipur Gam Presbytery (Tu a Zou Presbyterian Church Synod) sung ah Evangelist Sangshie apointment mu in Nungshai Khuo ah a sem hi.

19th Synod Session 2022 phasah bang in Muollum ah Transfer ahia, tuanah a shi tandong a sem hi.

Tambang hinkhuo a man lai in June 20, 2023 a, a sepna mun Muollum zuon a Bike toh a pei lai in lamkal ah tuohsiet tuoh in Lamka Damdawi Inn ah puohlut ahia, Doctor te toh theitawp suo a etkol ahi nua in damzoutalou in June 21, 2023 (Wednesday) 3:30pm in a it leh ngai teng nuasie in a hing na muolliem santa hi.

Tam vangsietna tung ah Synod in khawh i sa mama ua, i suunpi thu uh tam i Khristian Tangkou ah i puong uhi.

**ZPYF COLUMN**

**ZPYF DISTRICT CHIN INDUTRY**

|                               |     |          |
|-------------------------------|-----|----------|
| 1. Central District.....      | Rs. | 10,000/- |
| 2. Lamka District.....        | Rs. | 10,000/- |
| 3. Lentang District.....      | Rs. | 10,000/- |
| 4. Tuivai District.....       | Rs. | 6,000/-  |
| 5. Singngat District.....     | Rs. | 7,000/-  |
| 6. Suolam District.....       | Rs. | 6,000/-  |
| 7. Tuiningkuol District ..... | Rs. | 6,000/-  |
| 8. Gunpang District .....     | Rs. | 6,000/-  |
| 9. Zotang District.....       | Rs. | 6,000/-  |
| 10. Imphal District.....      | Rs. | 7,000/-  |

**BRANCH CHURCH:-**

|                    |     |         |
|--------------------|-----|---------|
| a) Delhi .....     | Rs. | 8,000/- |
| b) Shillong .....  | Rs. | 8,000/- |
| c) Bangaluru ..... | Rs. | 5,000/- |
| d) Chennai.....    | Rs. | 5,000/- |

**AHING SUBMITTE :**

**1. PYF Delhi**

- Pasion hoinate i tang zing ua, tam bang i gam din uh ahilai in i Pasion hoina i mu zel ua Industry hing submitte tung a lungdam thu i gen uhi. ZPYF in malam a sawn tou thei zelna ding in ahing submit theiten hing submit zel a, i thumna ua chiet ua zong thei gige vai chi i ki ngen sawnsawn uhi.
- ZPYF in maban a sep -leh- bawl ding a i na gente, i Project neite uh zong i thumna phawh zing a Pasion mapui toh i sep thei zel na ding un zong thum chiet vai ui
- Shie Hauminthang in ahing muol liemsanna tung a ZPYF i sunpi thu i Phuong ua,tualeh a innsung mite Mangpa hamuongna tang ding in i thumpi zing uhi.

Sd/- Nh. T. Naomi Goulianching  
Youth Co-rdinator,ZPYF



# **TUNNU LIMBEL PANPITE**

1<sup>st</sup> APRIL – 28<sup>th</sup> JUNE, 2023

|                                               |               |
|-----------------------------------------------|---------------|
| 1. S. Chinkhansuan, Central Church            | Rs. 70/-      |
| 2. Tuollienmang, Central Church               | Rs. 500/-     |
| 3. Nousuanching, Central Church               | Rs. 1,500/-   |
| 4. Kamkhogin, Central Church                  | Rs. 1,000/-   |
| 5. Esther Chingneilam, Thingkangphai          | Rs. 1,000/-   |
| 6. Upa Gouzamang, Central Church              | Rs. 100/-     |
| 7. Lunzangai, Central Church                  | Rs. 500/-     |
| 8. Donneiching, Central Church                | Rs. 500/-     |
| 9. Hannah Prayer Team                         | Rs. 3,000/-   |
| 10. Presbyterian Church Tuining               | Rs. 740/-     |
| 11. PWF Zoumunnuam, Anntang 61 Kg leh a sum a | Rs. 100/-     |
| 12. Niangpi, Zomi Colony                      | Rs. 8,000/-   |
| 13. PWF, Maukot Antang tang                   | Rs. 1,240/-   |
| 14. Ginchin, Central Church                   | Rs. 200/-     |
| 15. Manneihat, Central Church                 | Rs. 3,000/-   |
| 16. PWF Thingkangphai Anntang tang            | Rs. 2,300/-   |
| 17. Muongneilam, Central Church               | Rs. 2,500/-   |
| 18. Suanggaikim, Lailam Veng                  | Rs. 500/-     |
| 19. Upa Khupdou, Sangaikot                    | Rs. 100/-     |
| 20. S. Thangboi, Tuiuong                      | Rs. 1,000/-   |
| 21. T. Tunzapum, Central Church               | Rs. 500/-     |
| 22. PWF Saiboh, Anntang tang                  | Rs. 1,840/-   |
| 23. PWF LDCC Hiangzou                         | Anntang 55 Kg |
| 24. PWF Chingmang khuo                        | Anntang 30 Kg |
| 25. PWF PN Khovung                            | Anntang 20 Kg |
| 26. PWF Zomi Zion                             | Anntang 14 Kg |
| 27. PWF Tuining                               | Anntang 50 Kg |
| 28. PWF Sangaikot                             | Anntang 64 Kg |
| 29. PWF Kuvan                                 | Anntang 45 Kg |
| 30. PWF N. Khaukual                           | Anntang 82 Kg |



|                                                    |                |
|----------------------------------------------------|----------------|
| 31. PWF Awnchinkap Khuo, Anntang 42 Kg leh asum in | Rs. 980/-      |
| 32. PWF Central Church Anntang 100Kg leh asum in   | Rs. 2,750/-    |
| 33. Manzahat Awnchinkap Khuo                       | Rs. 2,500/-    |
| 34. PWF Tongdam Anntang tang                       | Rs. 1,125/-    |
| 35. Upa Khaiminlian, Lailam Veng                   | Rs. 12,000/-   |
| 36. PWF Zomi Colony Anntang 108 Kg leh asum in     | Rs. 160/-      |
| 37. Upa M. Kamzadou, Zomi colony                   | Rs. 1,500/-    |
| 38. PWF Delhi Anntangtang                          | Rs. 20,000/-   |
| 39. Donneiching Cenntal Church                     | Rs. 1,000/-    |
| 40. Flora Hatnu, UK                                | Rs. 10,000/-   |
| 41. S. Hangmuanthang Central Church                | Rs. 500/-      |
| 42. Hauchinkhup Manlun, Hiangtam                   | Rs. 600/-      |
| 43. PWF Emmanuel Khopi                             | Anntang 64 Kg  |
| 44. PWF Tuibuong                                   | Anntang 103 Kg |
| 45. PWF Manniang                                   | Anntang 52 Kg  |
| 46. PWF Kanaan veng                                | Anntang 101 Kg |
| 47. PWF Tuilaphai                                  | Anntang 34 Kg  |
| 48. Presbyterin Church, Tuining                    |                |
| i) Pa S. Thangchinpau                              | Rs. 700/-      |
| ii) Nu H. Chinsianching                            | Rs. 200/-      |
| iii) Pa Pauliankhup                                | Rs. 800/-      |
| iv) Pi Chingbawi                                   | Rs. 20/-       |
| v) Upa Ginsuankhai                                 | Rs. 250/-      |
| vi) Pa Chinkhansuan                                | Rs. 100/-      |
| vii) Pa Lianchinthang                              | Rs. 100/-      |
| viii) Nu. Kimzaching                               | Rs. 70/-       |
| ix) Nu Hauching                                    | Rs. 100/-      |
| x) Pi. Engzaching                                  | Rs. 100/-      |
| xi) Tv. Mangliankhual                              | Rs. 100/-      |
| xii) Pi Sonlam                                     | Rs. 20/-       |

***Petu zousie Mangpa'n hing guolzawl ta hen.***

***NOTE : A dihloou kha te Office a suhdih thei zing ahi.***

## **RELIEF PANPINA**

Galbuai zieh a inn leh lou nusie a hing galtai imi isa Relief center mun tuom tuom a um te panpina ding a unit chin a van ki dawng te tarik 6<sup>th</sup> June 2023 ni in ZPWF in ZYO General headquater , Zogaal hall a pie khiet na va ki nei hi.

### **VAN LIST**

Godzilla 6 Box  
Onion 3 Kg  
Oil 3 Ltr  
Dal 36 Kg  
Salt 18 Kg  
Fish Tin 1  
Colgate 3 Pcs  
Malta 2Kg  
Surf 2 Packet  
Sugar 7 Kg  
Aisan 2 Packet  
Nutrilla 1 Packet  
Ngari 2 Packet  
Soap (sabon) 5Pcs  
Anntang 875Kg  
Tub 6Pcs  
Brite 16Pcs  
Utensils ( Um leh bel neng): Basket dim 2, Jumbo box dim 2, Brite dim 2,Tub dim 2.  
Bucket16 Pcs  
Basket 4Pcs  
Bel 57Pcs  
Puan 190 Bags  
Asum in Rs. 1730/- ( Sang leh zasagi leh sawm thum)

***Unit chin a panpina hing ki ngen te kiphaltah a nahing pieh zieh un ZPWF in na tung ua kipah thu ka hing gen hi.***

***Sd/- Nh. Lamdeichiin***  
***Secretary for Women Relation***

.....

# Khristian Tangkou

Vol. No. 59 || Issue No. 5 & 6 || May & June 2023

## Editorial Board

Editor : Rev. Dr. Hangpi Manlun - 9862910875  
Joint Editor : Rev. Zamlianpau - 7629978067  
Cir. Manager : Upa Jamsianmung - 9862086615  
Bus. Manager : Upa Kamgenpau - 8974612937  
Ms. Niangkhanmang - 8787560139  
Nh. Tracy Niangsuannuam - 8731863384  
Nh. Suanneiching - 8787790520

Cont. Editors : Rev. Awnkhankhup - 9383114081  
Rev. Khupsianlal - 8974749874  
Rev. Khamchinkhai - 8730933744  
P/P Samuel Khamsuankhai - 8413817483  
Upa Khupsuankham - 9863193371  
Upa Tualkhanpau - 9862956570  
Upa Thangzasuan

## ZOU SYNOD ULIENTE

- **Moderator:**  
Rev. Thangboi Khuongsai
- **Moderator Elect:**  
Rev. P. Ginzalal Zou
- **Secretary (Sr):**  
Upa Siendeithang
- **Secretary (Jr):**  
Upa Ginsuankhai
- **Treasurer:**  
Upa Thangchinpau
- **Statistician:**  
Upa T. Lianminthang
- **Executive Secretaries:**  
Rev. Dr. Hangpi Manlun  
Rev. Zamlianpau

Copies - 1200

### AMAN

|                   |     |          |
|-------------------|-----|----------|
| Kumkhat ah        | - ₹ | 100.00   |
| Post ah           | - ₹ | 200.00   |
| Copy khat ah      | - ₹ | 10.00    |
| Life Member Fee   | - ₹ | 1,000.00 |
| Patron Member Fee | - ₹ | 2,000.00 |
| Memorial gift     | - ₹ | 2,000.00 |

# A sung thu

- Guest Editorial ..... 01
- Thu tuomtuom & Thumpi ding ..... 03
- Pasian tate...ga manpha neisah ... 04
- Vansawitahte leh Dawite ..... 10
- Hagau siengthou silbaw/theina .... 12
- Khamthei guithei ziehin..... 15
- Suunna ..... 20
- ZPYF Column ..... 21
- ZPWF Column ..... 22

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

## PATRON MEMBER-TE

|                           |                               |                             |                                 |
|---------------------------|-------------------------------|-----------------------------|---------------------------------|
| 001. Upa Gouzamang        | 002. Pu Hav. Khamchinkhup     | 003. Pu Khamzalam           | 004. Pu Chinzasuan              |
| 005. (L) Upa Liansuanpau  | 006. Pu Khamchinthang         | 007. Pu S. Dalthang         | 008. Upa Kapkhanthang           |
| 009. (L) Upa Langginmang  | 010. Upa S. Nangkhanlal       | 011. Pu S. Lamkhotang       | 012. Upa Dr. M. Lachinkhai      |
| 013. Upa Khamchinjam      | 014. (L) Upa D.K.Manlun       | 015. Upa Suankhanmang       | 016. (L) Upa Khupgou            |
| 017. Upa Chinkham         | 018. Upa Ngulchinkham         | 019. (L) Rev. V. Vungzalian | 020. Rev. Retd. Kamkhosoi       |
| 021. Rev. Tualzachin      | 022. Rev. H. Nengzaton        | 023. Rev. Awnkhankhup       | 024. Rev. Dr. Hangpi Manlun Zou |
| 025. (L) Pu Tuanzapau     | 026. (L) Rev. Ginchinjam      | 027. (L) Rev. Khamzasuan    | 028. Upa T. Lamkhothawng        |
| 029. Upa Khaichinmang     | 030. Rev. Stephen Chinzathang | 031. Pu Khupkhanmang        | 032. Pu Khaidohlian             |
| 033. (L) Hav. Khamzahang  | 034. Pi Vungzanuam            | 035. Pu T. Gouzadou         | 036. Upa Liensuonkap            |
| 037. Pi Zerkhochiin       | 038. Pi Hatkhanvung           | 039. (L) Pi Ngaihoiching    | 040. Pi Mankhannieng            |
| 041. Pu Goukhanmang       | 042. Pi Chingzalam            | 043. Pu S. Thianzakhai      | 044. Pi Kamkhanching            |
| 045. Pu Haukhanpau        | 046. Pu Tuallianmang          | 047. (L) Pu Dongkap         | 048. (L) Pi Chingkhanmang       |
| 049. Pi Donkhonian        | 050. Upa Henzakhup            | 051. (L) Pu Saichinpau      | 052. Pu Goumang                 |
| 053. (L) Upa Khamkhanhang | 054. Shie Laangkhanlal        | 055. Pu Khamkhanlun         | 056. Upa L. Tualkhanpau         |
| 057. Upa Jamsianmung      | 058. Upa Ginzadong            | 059. Pu Kaizathang          | 060. Pi Goizanuom               |
| 061. Pi Thangneivah       | 062. Pu Khamzathang           | 063. Pi Donchin             | 064. Upa Liankhanmang           |
| 065. Pu Hauchinlun        | 066. Pu T. S. Lal             | 067. Pi Goichiin            | 068. (L) Pu T. Khupchinthang    |
| 069. Upa T. Kaizalam      | 070. Pu Paul Henkholal        | 071. (L) Pu Soikham         | 072. Rev. P.C. Manga            |
| 073. Rev. Khamchinkhai    | 074. Rev. Zamlianpau          | 075. Rev. Chinzapau         | 076. (L) Rev. Kamkhozam         |
| 077. (L) Upa Chinpu       | 078. Pu Zamkhanthang          | 079. Pu Chinglen            | 080. Miss Chinhaunieng          |
| 081. Upa P. K. Soia       | 082. Pu Goujakhai             | 083. Pi Niangkhanmang       | 084. (L) Evan. G.L. Joshya      |
| 085. Pi S. Chingkhanmang  | 086. (L) Pu Vumchinkhup       | 087. Upa Khaihenthang       | 088. Upa T. C. Pau              |
| 089. Upa Nengchinkap      | 090. (L) Upa Jamkhongam       | 091. Upa HT Manga           | 092. Nu Vahkholhing             |
| 093. Pu Hauliankap        | 094. Pi Chinnu                | 095. (L) Upa Ngulzakhai     | 096. (L) Upa T. Gougin          |
| 097. Pu Ginsuanhau        | 098. (L) Upa Langminthang     | 099. (L) Rev. David K.Samte | 100. Upa T.S.K. Samte           |
| 101. Upa S.K. Khama       | 102. Pu Jamkhopao             | 103. Pu Thatthang Taithul   | 104. Pu Kamkhankap              |
| 105. Bhim Prasad Ghatani  | 106. Rev. M. Kapsuanthang     | 107. Nu Chingneikim         | 108. Rev. Khupkhansuan          |
| 109. Pi Mannuamching      | 110. Rev. Kaimuanlal          | 111. Upa Nengkhanlian       | 112. Nh. Deborah Zou            |
| 113. Pu T. Kuppa          | 114. (L) Rev. Mangsuanthang   | 115. (L) Pu Lamchinhou      | 116. Upa Pauchinlei             |
| 117. Nu Kimneihei         | 118. Upa Kamgenpau            | 119. Nh. Niangsuannuam      | 120. Nu Ngaikhanvung            |
| 121. Pu P. Sanjiv Zou     | 122. Upa M. Kaichinkham       | 123. Upa T. Sianchinpau     | 124. Upa Sianzahau              |
| 125. Pu L. Thenkhosoi     | 126. Pu Kamsuanhang           | 127. Upa Th. Kaikholam      | 128. Upa Lunchinthang           |
| 129. Pu P. Tongthang Zou  | 130. H. Nehzamang             | 131. Pu Thangsuankhup       | 132. Upa M. Kamzadou            |
| 133. Pu Jamkholian Munlao | 134. Pu Sianzakhai            | 135. Upa Thangginsuan       | 136. Pu Kapminlun               |
| 137. Pi Tingzavah         | 138. Dr. M. Limlunthang Zou   | 139. Rev. Hauzalian Manlun  | 140. Rev. Suanglianpau          |
| 141. Rev. Ginlianmang     | 142. Upa L. Mangminthang Zou  | 143. Upa Goukhanthang       | 144. M. Thangsuansang Zou       |

## LIFE MEMBER-TE

|                             |                         |                        |                           |
|-----------------------------|-------------------------|------------------------|---------------------------|
| 001. (L) Upa T. Khupkhenpau | 002. (L) Pu M. Ginzahau | 003. (L) Pu Selzapau   | 004. Pu L.C. Pautungnung  |
| 005. (L) Pi Khamkhannieng   | 006. Pi Ngainuam        | 007. Upa Chinsuanthang | 008. Upa Shanti Kumar     |
| 009. Pu Kamkhohau           | 010. (L) Pu Khamkhohau  | 011. Upa Khamzathang   | 012. Upa Chinkhanthang    |
| 013. (L) Pu Tongzathang     | 014. Pi Chiinneilam     | 015. Upa Kulthang      | 016. H/Sm. Upa Kaichinpau |
| 017. Pi Niangzalam          | 018. Upa P. Doukholun   | 019. Pu Kapminlian     |                           |

*Undelivered*

Please return to:

*The Editor*

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: [zousynod.org](http://zousynod.org) | email: [info@zousynod.org](mailto:info@zousynod.org)

[zpcs@rediffmail.com](mailto:zpcs@rediffmail.com) / [zousynod05@gmail.com](mailto:zousynod05@gmail.com)

7a,

---

---

---